

Sumáriu Kazu

Tribunál Distritál Suai

Períodu Janeiru 2017

Afirmasaun: Sumáriu Kazu tui mai ne'e deskreve faktu sira no prosesu iha Tribunál tui JSMP nia monitorizasaun independente, no deklarasaun ne'ebé parte sira fó iha Tribunál nia laran. Informasaun ne'e la reprezenta JSMP nia hanoin hanesan instituisaun ida.

JSMP kondena maka'as forma violénsia hotu-hotu, liuliu hasoru feto no ema vulnerable. JSMP afirma laiha justifikasaun ba violénsia hasoru feto.

A. Sumáriu prosesu julgamentu kazu iha Tribunál Distritál Suai

1. Totál kazu ne'ebé JSMP monitoriza : 17

Artigu	Tipu Kazu	Númeru
Artigu 145 Kódigu Penál (KP) no konjuga ho artigu 2, 3, 35 36 LKVD	Ofensa ba integridade física simples ho natureza violénsia doméstica (artigu 2 kona-ba konseitu violénsia doméstica, artigu 3 kona-ba relasaun família, artigu 35 kona-ba tipu krime violénsia doméstica sira no artigu 36 kona-ba krime sira violénsia doméstica nian	4

	(hanesan krime públiku)	
Artigu 154 KP no konjuga ho artigu 2, 3, no 35 no 36 LKVD	Maus tratus ba kónjuje	2
Artigu 178 KP	Abuzu seksuál ba menór	2
Artigu 225 KP	La halo tuir obrigasaun alimentár	1
Artigu 145 KP	Ofensa ba integridade fízika simples	3
Artigu 151 KP	Ofensa korporál resíproka	1
Artigu 146 KP	Ofensa ba integridade fízika grave	1
Artigu 157 KP	Ameasa	1
Artigu 252 KP	Furtu agravadu	1
Artigu 259 KP	Danu agravadu	1
Totál		17

2. Totál desizaun ne'ebé JSMP monitoriza : 12

Tipu pena	Númeru
Pena prizaun	-
Pena prizaun ho dever seluk (indemnizasaun sivil)	-
Suspensaun ba pena prizaun tuir Artigu 68 husi KP	3
Suspensaun ba pena prizaun ho devér tuir Artigu 69 husi KP	-
Suspensaun ba pena prizaun ho regra ba konduta tuir Artigu 70 husi KP	-
Suspensaun ba pena prizaun ho akompañamentu tuir Artigu 71 husi KP	-
Pena multa tuir Artigu 67 husi KP	1
Admoestasaun tuir Artigu 82 husi KP	-
Omologa	6

Absolute	2
Totál	12

3. Totál kazu sira ne'ebé adia tuir JSMP nia monitorizasaun : 3

Razaun adiamantu	Númeru
Arguidu no lezada la marka prezensa	1
Lezadu no testemuña la marka prezensa	1
Prokurador la marka prezensa	1
Totál	3

4. Totál kazu sira ne'ebé sei kontinua tuir JSMP nia monitorizasaun : 2

B. Deskripsiun sumáriu ba desizaun kazu sira

1. Krime furtu agravadu

Nú. Prosesu : 268/PEN/15/TDS
 Kompozisaun Tribunál : Koletivu
 Juis : Dr. Argentino Luisa Nunes, Dr. Samuel da Costa Pacheco no Dr. Nasson M.A.D. Sarmento
 Ministériu Públiku : Dr. Matias Soares
 Defeza : Dr. Albino de Jesus Pereira
 Tipu pena : Pena prizaun tinan 2 suspende tinan 2

Iha 13 Janeiru 2017, Tribunál Distritál Suai prezide leitura akordaun ba krime furtu agravadu ne'ebé envolve arguidu EC hasoru Estadu, iha Distritu Bobonaro.

Akuzasaun husi Ministériu Públiku

Ministériu Públiku akuza katak iha Novembru 2014, arguidu tama ba Eskola Primária EBC Gildapil no foti bola voli 1, mákina gravador 1, *tripleks* mahar tahan 6, katana *sabit* 3, sanan kukus boot 2, kanuru modo 5, masa kuru bee 8 no vidru nako janela 2.

Ministériu Públiku akuza arguidu kontra artigu 252 KP kona-ba furtu agravadu ho moldura penál hosi tinan 2 to'o tinan 8 iha prizaun.

Produsaun ba provas

Iha prosesu julgamentu arguidu deklara katak nia foti duni bola voli 1 no máquina gravador 1 maibé kona-ba sasan seluk ne'ebé temi iha akuzasaun arguidu deklara katak nia la foti. Aleinde ne'e, arguidu mós deklara katak sasan sira ne'ebé nia foti entrega fila fali ona ba diretór eskola refere.

Testemuña AA nu'udar viziñu/hela besik ho eskola no AF nu'udar ofisiál seguransa iha eskola, sira nain rua depoimenta katak sira hatene arguidu mak foti bola wainhira sira halimar bola hamutuk ho arguidu. Aleinde ne'e kona-ba máquina gravador, testemuña AA depoimenta katak nia hetan iha arguidu nia uma. Sasan hirak ne'e, tuir testemuña sira katak arguidu fó fila ona ba parte eskola. Entretantu sasan sira seluk, testemuña nain rua hateten katak lakon antes ona no testemuña sira la hatene se mak foti.

Alegasaun finál

Ministériu Públiku konsidera sirkunstánsia agravantes no atenuantes ne'ebé asosiadu iha krime ne'e no husu Tribunál atu kondena arguidu ho pena tinan 3 suspende ba tinan 5. Aleinde ne'e, Ministériu Públiku husu ba Tribunál atu antes foti desizaun prezisa apresia faktus hotu-hotu ne'ebé mosu iha julgamentu nia laran.

Aleinde ne'e, Defeza husu ba Tribunál atu aplika suspensaun hosi pena prizaun ba arguidu tanba konsidera arguidu foti duni sasan balun ne'ebé partense ba propriedade eskola nian, maibé arguidu mós deklara katak nia arrepende ba hahalok no kolabora ho Tribunál.

Desizaun

Depoisde avalia faktus provadu sira hotu, Tribunál konklui katak arguidu provadu foti duni bola voli 1 no máquina gravador 1 no Tribunál kondena arguidu ho pena prizaun tinan 2 suspende ba tinan 2.

2. Krime danu agravadu

Nú. Prosesu	: 310/PEN/15/TDS
Kompozisaun Tribunál	: Koletivu
Juis	: Constâncio B. Basmery, Dr. Samuel da Costa Pacheco no Dr. Nasson M.A.D. Sarmento
Ministériu Públiku	: Dr. Bartoromeu de Araujo
Defeza	: Dr. Albino de Jesus Pereira
Tipu pena	: Pena prizaun tinan 2 suspende ba tinan 2

Iha 18 Janeiru 2017, Tribunál Distritál Suai prezide leitura akordaun ba krime danu agravadu ne'ebé envolve arguidu JLA hasoru lezadu YMA, iha Distritu Covalima.

Akuzasaun husi Ministériu Públiku

Ministériu Públiku haktuir katak iha 06 Janeiru 2015, prezepiu iha arguidu nia suku hetan premiu ba terseiru lugar, nune'e, arguidu hamutuk ho nia kolega sira selebra no hemu tua to'o lanu. Maibé hafoin lanu tiha arguidu foti fatuk no tuda *asrama* feto iha Parokia Igreja nian, estraga odamatan igreja nian 1 no estraga vidru Eskola Parokia Igreja ho prejuizu US\$500.00.

Ministériu Públiku akuza arguidu kontra artigu 259 KP kona-ba danu agravadu ho moldura penál hosi tinan 2 to'o tinan 8 iha prizaun.

Produsaun ba provas

Iha prosesu julgamentu, arguidu konfesa totalmente ba faktus husi akuzasaun Ministériu Públiku no deklara katak nia hadia ona sasan sira ne'ebé nia estraga.

Testemuña NTS nu'udar padre iha Parokia Igreja refere depoimenta katak arguidu tuda duni *asrama* feto nian, konsege halo rahun odamatan igreja no vidru eskola nian maibé arguidu hadia fila fali ona sasan ne'ebé hetan estragus.

Alegasaun finál

Ministériu Públiku husu ba Tribunál atu kondena arguidu ho pena tinan 2 suspende ba tinan 2 nu'udar prevensaun ida ba arguidu atu la repete ninia hahalok. Mezmu nune'e, Ministériu Públiku mós husu ba Tribunál atu apresia faktus hotu-hotu ne'ebé mosu iha julgamentu nia laran antes foti desizaun.

Entretantu, Defeza husu ba Tribunál atu aplika pena admoestasaun ba arguidu tanba konsidera sirkunstansia atenuantes hanesan arguidu konfesa faktus hotu, arrepende nia hahalok, kolabora ho Tribunál no foin permeira-vez ba hatan iha Tribunál.

Depois avalia faktus hirak ne'e hotu, Tribunál prova katak arguidu komete duni krime ne'e tuir faktus sira ne'ebé deskreve iha akuzasaun Ministériu Públiku nian. Bazeia ba provas ne'e, Tribunál kondena arguidu ho pena prizaun tinan 2 suspende ba tinan 2 no selu kustu judisiál US\$25.00.

3. Krime ofensa ba integridade física simples ho natureza violénsia doméstika

Nú. Prosesu	: 302/PEN/16/TDS
Kompozisaun Tribunál	: Singulár
Juis	: Dr. Samuel da Costa Pacheco
Ministériu Públiku	: Dr. Bartoromeo de Araujo
Defeza	: Dr. Albino de Jesus Pereira
Tipu pena	: Absolve

Iha 24 Janeiru 2017, Tribunál Distritál Suai liuhosi Tribunál Móvel iha Distritu Ainaro prezide leitura sentesa ba krime ofensa ba integridade física simples ho natureza violénsia doméstika ne'ebé envolve arguidu CdA hasoru nia feen, iha Distritu Ainaro.

Akuzasaun husi Ministériu Públiku

Ministériu Públiku akuza katak iha 02 Abril 2016, lezada husu osan ba arguidu atu selu sira nia-oan ninia osan eskola, maibé arguidu hatan katak osan laiha. Hafoin idane'e sira diskuti malu no arguidu basa dala 2 iha lezada nia ulun, buti lezada nia kakorok no lori surik ida ameasa lezada. Aktu hirak ne'e rezulta lezada sofre moras iha kakorok no bubu iha ulun.

Ministériu Públiku akuza arguidu kontra artigu 145 KP kona-ba ofensa ba integridade física simples ho moldura penál to'o tinan 3 ka multa no konjuga ho artigu 2 LKVD kona-ba konseitu violénsia doméstika, artigu 3 LKVD kona-ba relasaun família, artigu 35 LKVD kona-ba tipu krime violénsia doméstika sira no artigu 36 kona-ba krime sira violénsia doméstika nian hanesan krime público.

Produsaun ba provas

Iha prosesu julgamentu, arguidu nega hotu ba faktus iha akuzasaun Ministériu Públiku no deklara katak nia hisik liman mak kona iha lezada nia ulun. Arguidu mós rekoñese katak nia foti duni surik ida maibé atu oho nia-an la'os hodi ameasa lezada. Aleinde ne'e lezada mós konfirma ho deklarasaun arguidu nian katak arguidu la basa, la buti maibé wainhira arguidu hisik nia liman mak kona iha lezada nia ulun. Lezada konfirma liutan katak arguidu la ameasa nia maibé foti surik atu oho arguidu nia-an.

Alegasaun finál

Ministériu Públiku husu ba Tribunál atu absolve arguidu hosi krime ida ne'e tanba arguidu ninia hahalok la prenxe rekezitus husi krime ofensa ba integridade fízika simples.

Aleinde ne'e, Defeza mós husu ba Tribunál atu absolve arguidu hosi prosesu ne'e tomak tanba konsidera arguidu la komete krime hasoru lezada.

Desizaun

Tribunál konklui katak arguidu ninia hahalok la prenxe rekezitus husi krime ofensa ba integridade fízika simples ne'ebé Ministériu Públiku akuza hasoru arguidu, tanba ne'e Tribunál absolve arguidu hosi krime refere.

4. Krime ofensa ba intregidade fízika simples

Nú. Prosesu	: 281/PEN/15/TDS
Kompozisaun Tribunál	: Singulár
Juis	: Dr. Samuel da Costa Pacheco
Ministériu Públiku	: Dr. Bartoromeo de Araujo
Defeza	: Dr. Fransisco Caetano Martins
Tipu pena	: Omologa dezisténsia keixa

Iha 24 Janeiru 2017, Tribunál Distritál Suai liuhosi Tribunál Móvel iha Distritu Ainaro prezide prosesu tentativa konsiliaun ba krime ofensa ba integridade fízika simples ne'ebé envolve arguidu MT hasoru lezadu MdA, iha Distritu Ainaro.

Akuzasaun husi Ministériu Públiku

Ministériu Públiku akuza katak iha 26 Outubru 2014, arguidu lori besi rohan ida baku iha lezadu nia liman karuk dala 2. Aktu ne'e rezulta liman kanek no bubu.

Ministériu Públiku akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa.

Produsaun ba provas

Antes tama ba produsaun ba provas, juis bazeia ba artigu 262 KPP kona-ba tentativa ba konsiliaisaun, halo tentativa konsiliaisaun ba arguidu no lezadu.

Iha prosesu konsiliaisaun ne'e, lezadu hakarak deziste tiha keixa hasoru arguidu maibé ho kriteria katak arguidu selu fila fali nia osan US\$50.00 ne'ebé nia uza ona hodi halo kurativu ba nia liman. Arguidu husu diskulpa ba lezadu, arrepende, promete sei la repete krime hanesan iha futuru no konkorda ho pedidu dezistensia husi lezadu. Arguidu mós prontu atu selu osan refere.

Alegasaun finál

Ministériu Públiku no Defeza konkorda ho parte rua nia akordu dame ne'e no husu ba Tribunál atu omologa prosesu ne'e.

Desizaun

Bazeia ba pedidu dezisténsia hosi lezadu no akordu dame hosi arguidu no lezadu, Tribunál omologa dezisténsia keixa ne'e.

5. Krime ofensa ba integridade fízika simples ho natureza violénsia doméstika

Nú. Prosesu	: 356/PEN/16/TDS
Kompozisaun Tribunál	: Singulár
Juis	: Dr. Samuel da Costa Pacheco
Ministériu Públiku	: Dr. Bartoromeo de Araujo
Defeza	: Dr. Francisco Caetano Martins
Tipu pena	: Pena prizaun fulan 6 suspende ba tinan 1

Iha 24 Janeiru 2017, Tribunál Distritál Suai liuhosi Tribunál Móvel iha Distritu Ainaro prezide leitura sentensa ba krime ofensa ba integridade fízika simples ho

natureza violénsia doméstika ne'ebé envolve arguidu LdC hasoru nia feen, iha Distritu Ainaro.

Akuzasaun husi Ministériu Públiku

Ministériu Públiku akuza katak iha 04 Maiu 2016, lezada haruka arguidu tama ona uma laran tanba rai kalan ona maibé arguidu kontinua konversa ho nia kolega. Depoisde konversa, arguidu tama ba uma laran no foti kilat manu atu tiru lezada maibé la konsege tiru no arguidu so tuku de'it dala 2 iha lezada nia hasan parte loos, tuku no tebe dala barak iha lezada nia isin lolon. Aktu hirak ne'e rezulta bubu iha lezada nia hasan no matan fukun.

Ministériu Públiku akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa no konjuga ho artigu artigu 2 LKVD kona-ba conseitu violénsia doméstika, artigu 3 LKVD kona-ba relasaun família, artigu 35 LKVD kona-ba tipu krime violénsia doméstika sira no artigu 36 kona-ba krime sira violénsia doméstika nian hanesan krime públiku.

Produsaun ba provas

Iha prosesu julgamentu, arguidu konfesa totalmente ba faktus sira iha akuzasaun Ministériu Públiku. Aleinde ne'e, lezada mós kontinua konfirma no reforsa akuzasaun Ministériu Públiku nian.

Alegasaun finál

Ministériu Públiku husu ba Tribunál atu kondena arguidu ho pena prizaun fulan 6 suspende ba tinan 1. Ministériu Públiku husu pena refere atu prevene arguidu la repete ninia hahalok krime ne'e iha futuru.

Aleinde ne'e, Defeza mós husu ba Tribunál atu aplika suspensaun ba pena prizaun ne'ebé kmaan tanba konsidera arguidu konfesa, arrepende nia hahalok no foin primeira-vez ba hatan iha Tribunál.

Desizaun

Tribunál konklui kazu ne'e no kondena arguidu ho pena prizaun fulan 6 suspende ba tinan 1 inkli selu kustu judisiál US\$20.00 tanba Tribunál konsidera arguidu provadu komete duni krime hasoru lezada tuir faktus iha akuzasaun Ministériu Públiku.

6. Krime ofensa ba intregidade fízika simples

Nú. Prosesu	: 385/PEN/16/TDS
Kompozisaun Tribunál	: Singulár
Juis	: Dr. Nasson M.A.D Sarmento
Ministériu Públiku	: Dr. Matias Soares
Defeza	: Dr. Albino de Jesus Pereira
Tipu pena	: Omologa dezisténsia keixa

Iha 24 Janeiru 2017, Tribunál Distritál Suai liuhosi Tribunál Móvel iha Distritu Ainaro prezide prosesu tentativa konsiliasaun ba krime ofensa ba integridade fízika simples ne'ebé envolve arguida AdA no arguidu AA (tian no subriñu) hasoru lezada JdC nu'udar viziñu, iha Distritu Ainaro.

Akuzasaun husi Ministériu Públiku

Ministériu Públiku akuza katak iha 14 Janeiru 2016, arguida no lezada diskuti malu no arguida AdA lori ai-sanak ida baku iha lezada nia tilun hun, rakut lezada nia oin no buti lezada nia kakorok. Entretantu, arguidu AA basa dala 1 iha lezada nia kakorok. Agresaun hirak ne'e rezulta lezada sofre moras iha kakorok no bubu iha tilun-hun.

Ministériu Públiku akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa.

Produsaun ba provas

Antes tama ba produsaun ba provas, juis bazeia ba artigu 262 KPP kona-ba tentativa ba konsiliasaun, halo tentativa konsiliasaun ba arguida/u no lezada.

Iha prosesu konsiliasaun ne'e, lezada hakarak deziste fali ninia keixa hasoru arguida no arguidu tanba arguida no arguidu husu ona diskulpa ba lezada no dame malu ona antes kazu ne'e tama iha Tribunál. Arguida no arguidu konkorda ho pedidu

dezisténsia keixa husi lezada no promete sei fó tais ida ba lezada hodi taka lezada nia moe.

Alegasaun finál

Ministériu Públiku no Defeza konkorda no apresia parte rua nia akordu dame ne'e no husu ba Tribunál atu omologa prosesu refere.

Desizaun

Bazeia ba akordu dame hosi arguida, arguidu no lezada, no pedidu dezisténsia hosi lezada, Tribunál omologa dezisténsia keixa ne'e.

7. Krime ofensa ba intregidade fízika simples

Nú. Prosesu	: 31/PEN/16/TDS
Kompozisaun Tribunál	: Singulár
Juis	: Dr. Samuel da Costa Pacheco
Ministériu Públiku	: Dr. Matias Soares
Defeza	: Dr. Albino de Jesus Pereira
Tipu pena	: Omologa dezisténsia keixa

Iha 24 Janeiru 2017, Tribunál Distritál Suai liuhosi Tribunal Móvel iha Distritu Ainaro prezide prosesu tentativa konsiliaun ba krime ofensa ba integridade fízika simples ne'ebé envolve arguidu LdS hasoru lezadu PA, iha Distritu Ainaro.

Akuzasaun husi Ministériu Públiku

Ministériu Públiku akuza katak iha 14 Juñu 2015, arguida tuku dala 1 iha lezadu nia matan fukun to'o lezadu monu ba rai. Aktu ne'e rezulta lezadu sofre bubu iha lezadu nia matan fukun.

Ministériu Públiku akuza arguidu kontra artigu 145 KP kona-ba ofensa ba integridade fízika simples ho moldura penál to'o tinan 3 ka multa.

Produsaun ba provas

Bazeia ba artigu 262 KPP kona-ba tentativa ba konsiliasaun, Tribunál halo tentativa konsiliasaun ba arguidu no lezadu.

Iha prosesu tentativa konsiliasaun ne'e, lezadu deklara katak arguidu husu ona diskulpa ba lezadu no promete la repete ninia hahalok iha futuru. Tanba ne'e lezadu hakarak deziste nia keixa hasoru arguidu. Arguidu mós konkorda ho lezadu nia pedidu dezisténsia ne'e.

Alegasaun finál

Ministériu Públiku no Defeza konkorda ho parte rua nia akordu dame ne'e no husu ba Tribunál atu omologa prosesu refere.

Desizaun

Bazeia ba akordu dame hosi arguidu no lezadu, no pedidu dezisténsia keixa hasoru arguidu, nune'e, Tribunál omologa kazu ne'e.

8. Krime la halotuir obrigasaun alimentár

Nú. Prosesu	: 124/PEN/16/TDS
Kompozisaun Tribunál	: Singulár
Juis	: Dr. Argentino Luisa Nunes
Ministériu Públiku	: Dr. Bartoromeu de Araujo
Defeza	: Dr. Fransisco Caetano Martins
Tipu pena	: Omologa akordu kona-ba obrigasaun alimentár US\$80.00 kada fulan

Iha 24 Janeiru 2016, Tribunál Distritál Suai liuhosi Tribunal Móvel iha Distritu Ainaro prezide leitura sentesa ba krime la halotuir obrigasaun alimentár ne'ebé envolve arguidu AAV hasoru nia feen no nia oan nain rua ne'ebé sei idade menóridade, iha Distritu Ainaro.

Akuzasaun husi Ministériu Públiku

Ministériu Públiku haktuir katak iha 13 Juñu 2015, arguidu sai husi uma depoisde diskuti malu ho nia feen. Ministériu Públiku akuza katak durante tinan ida nia laran arguidu la fó alimentasaun ba nia oan nai rua ne'ebé sei idade menridade.

Ministériu Públiku akuza arguidu kontra artigu 225 KP kona-ba la halotuir obrigasaun alimentár ho nia moldura penál to'o tinan 3 ka multa.

Produsaun ba provas

Iha prosesu julgamentu, arguidu konfesa faktu sira iha akuzasaun no deklara katak nia la fó alimentasaun durante tinan ida tanba seidauk hetan servisu (dezempregu). Maibé agora dadaun nia servisu ona nune'e agora ba oin nia promete sei fó alimentasaun ba nia oan sira. Arguidu deklara katak nia sei fó osan US\$80.00 kada fulan. Lezada konkorda ho montante refere, fó perdua arguidu.

Alegasaun finál

Iha alegasaun finál Ministériu Públiku no Defeza konkorda ho akordu ne'ebé parte rua deside ona no husu atu Tribunál atu omologa kazu ne'e.

Desizaun

Bazeia ba akordu hosi parte sira no pedidu dezisténsia hosi lezada, Tribunál omologa prosesu ne'e ho kondisaun ida katak arguidu tenki kumpri nia promesa atu fó osan US\$80.00 kada fulan ba nia oan sira.

9. Krime abuzu seksuál ba menór

Nú. Prosesu	: 114/PEN/15/TDS
Kompozisaun Tribunál	: Koletivu
Juis	: Dr. Samuel da Costa Pacheco, Dr. Benjamin Barros no Dra. Florensia Freitas
Ministériu Públiku	: Dr. Matias Soares
Defeza	: Dr. Albino de Jesus Pereira
Tipu pena	: Absolve

Iha 25 Janeiru 2017, Tribunál Distritál Suai liuhosi Tribunál Móvel iha Ainaro prezide leitura akordaun ba krime abuzu seksuál ba menór ne'ebé envolve arguidu BX hasoru lezada ne'ebé sei idade tinan 13 fulan 1, iha Distritu Manufahi.

Akuzasaun husi Ministériu Públiku

Ministériu Públiku akuza katak iha 27 Novembru 2015, arguidu rasta lezada ba kuartu laran no halo relasaun seksuál ho lezada. Aktus ne'e rezulta lezada sofre moras no ran iha lezada nia vagina.

Ministériu Públiku akuza arguidu kontra artigu 177 alineia (a) KP kona-ba abuza seksuál ba menór ho nia moldura penál hosi tinan 5 to'o 20 prizaun.

Produsaun ba provas

Iha prosesu julgamentu, arguidu nega faktus tomak husi akuzasaun Ministériu Públiku no deklara katak nia la halo relasaun seksuál ho lezada. Arguidu hatutan katak lezada nia inan la gosta arguidu tanba problema rai. Entretantu, lezada kontinua reforsa faktus husi akuzasaun Ministériu Públiku no deklara katak arguidu sempre komete abuzu seksuál hasoru nia ho ameasa.

Testemuña BdC nu'udar lezada nia inan depoimenta katak nia la hare ho matan akontesimentu maibé iha loron ida, testemuña husu ba lezada kona-ba lezada nia menstruasaun mai ka lae. Lezada hatan katak la mai nune'e testemuña ba keixa kellas iha polísia. Depoisde keixa testemuña lori lezada ba ospitál atu konsulta. Rezultadu hosi médiку hatudu katak lezada nia *hymen* sei kompletu ka la iha kanek ruma ne'ebé kauza hosi relasaun seksual ho forsa ka obrigatóriu.

Alegasaun finál

Ministériu Públiku konsidera katak arguidu la komete abuzu seksuál hasoru lezada tanba ne'e husu ba Tribunál atu absolve arguidu.

Iha parte seluk, Defeza mós husu ba Tribunál atu absolve arguidu tanba arguidu la komete krime abuzu seksuál hasoru lezada. Defeza argumenta katak lezada mak bobar lia atu hatama arguidu ba prizaun tanba de'it problema privadu.

Depois avalia faktus hotu, Tribunál konklui katak faktus ne'ebé imputa ba arguidu la provadu. Tanba ne'e Tribunál absolve arguidu husi akuzasaun Ministériu Públiku. Tribunál absolve arguidu bazeia ba arguidu nia deklarasaun no relatório médiku.

10.Krime ameasa

Nú. Prosesu	: 346/PEN/16/TDS
Kompozisaun Tribunál	: Singulár
Juis	: Dr. Nasson M.A.D Sarmento
Ministériu Públiku	: Dr. Matias Soares
Defeza	: Dr. Albino de Jesus Pereira
Tipu pena	: Omologa dezisténsia keixa

Iha 25 Janeiru 2017, Tribunál Distritál Suai liuhosi Tribunál Móvel iha Distritu Ainaro prezide prosesu tentativa konsiliasaun ba krime ameasa ne'ebé envolve arguidu FA hasoru lezadu TdA, iha Distritu Ainaro.

Akuzasaun husi Ministériu Públiku

Ministériu Públiku akuza katak iha 27 Maiu 2016, arguidu ho lezadu diskuti malu tanba lezadu nia karau tama ba arguidu nia to'ós laran no han tiha lezadu ninia aifarina, fehuk no batar. Tanba ne'e, arguidu foti diman no ameasa atu tiru lezadu ho rama.

Ministériu Públiku akuza arguidu kontra artigu 157 KP kona-ba ameasa ho nia moldura penál to'o tinan 2 ka multa.

Produsaun ba provas

Antes tama ba produsaun ba provas, bazeia ba artigu 262 KPP kona-ba tentativa ba konsiliasaun, juis halo tentativa konsiliasaun ba arguidu no lezadu.

Iha prosesu tentativa konsiliasaun ne'e, lezadu deklara katak tanba arguidu arrepende, husu ona diskulpa ba lezadu no promete la repete ninia hahalok iha futuru, nune'e nia hakarak deziste nia keixa hasoru arguidu. Arguidu mós konkorda ho lezadu nia pedidu dezisténsia ne'e.

Alegasaun finál

Iha alegasaun finál Ministériu Públiku no Defeza konkorda ho akordu dezisténsia ne'ebé parte sira konkorda ona no husu ba Tribunál atu omologa kazu ne'e.

Desizaun

Bazeia ba akordu hosi parte sira no pedidu dezistensia hosi lezadu, Tribunál omologa prosesu ne'e.

11. Krime ofensa korporál resíproka

Nú. Prosesu	: 179/PEN/16/TDS
Kompozisaun Tribunál	: Singulár
Juis	: Dr. Samuel da Costa Pacheco
Ministériu Públiku	: Dr. Matias Soares
Defeza	: Dr. Albino de Jesus Pereira
Tipu pena	: Omologa dezisténsia keixa

Iha 25 Janeiru 2017, Tribunál Distritál Suai liuhosi Tribunál Móvel iha Distritu Ainaro prezide leitura sentesa ba krime ofensa korporál resíproka ne'ebé envolve arguidu MM hasoru nia feen, iha Distritu Ainaro.

Akuzasaun husi Ministériu Públiku

Ministériu Públiku akuza katak iha 21 Abril 2015, arguidu ho lezada diskuti malu kona-ba atu fó han fahi no arguidu basa dala 2 iha lezada nia kabas sorin-loos. Iha momentu ne'ebá lezada moras hela iha kama leten.

Ministériu Públiku akuza arguidu kontra artigu 145 KP kona-ba ofensa ba integridade fízika simples ho nia moldura penál to'o tinan 3 ka multa no konjuga ho artigu 2 LKVD kona-ba konseitu violénsia doméstika, artigu 3 kona-ba relasaun família, artigu 35 LKVD kona-ba tipu krime violénsia doméstika sira no 36 LKVD kona-ba krime sira violénsia doméstika nian hanesan krime públiku.

Produsaun ba provas

Iha prosesu julgamentu, arguidu konfesa ninia hahalok, arrepende no deklara katak iha momentu ne'ebá lezada mós foti aisanak ida baku arguidu dala 1 iha arguidu nia kotuk laran.

Aleinde ne'e, lezada kontinua reforsa faktus iha akuzasaun no konfirma deklarasaun arguidu nian katak depoisde arguidu baku lezada, lezada mós hader hosi kama leten no foti aisanak ida hodi baku fali arguidu nia kotuk laran.

Depoisde produsaun ba provas, Tribunál konsidera katak arguidu no lezada agresaun ba malu no tanba ne'e Tribunál halo alterasaun jurídika husi artigu 145 ba fali 151 KP kona-ba ofensa korporál resíproka ho nia moldura penál to'o tinan rua ka multa.

Tanba kazu ne'e klasifika nu'udar krime semi-públiku no nia prosedimentu depende ba keixa, nune'e, Tribunál husu ba parte sira atu halo tentativa konsiliasaun.

Iha prosesu konsiliasaun ne'e, lezada hakarak deziste tiha nia keixa. Arguidu konkorda ho pedidu dezisténsia husi lezada no promete sei la repete iha futuru.

Alegasaun final

Ministériu Públiku no Defeza konkorda ho parte rua nia akordu atu deziste tiha kazu ne'e no husu ba Tribunál atu omologa tiha dezisténsia keixa refere.

Desizaun

Bazeia ba akordu hosi arguidu no lezada no pedidu dezisténsia husi lezada, Tribunál omologa dezisténsia keixa ne'e.

12. Krime ofensa ba integridade fízika simples ho natureza violénsia doméstika

Nú. Prosesu	: 158/PEN/16/TDS
Kompozisaun Tribunál	: Singulár
Juis	: Dr. Argentino Luisa Nunes
Ministériu Públiku	: Dr. Bartoromeu de Araujo
Defeza	: Dr. Fransisco Caetano Martins
Tipu pena	: Pena multa US\$ 60.00

Iha 25 Janeiru 2017, Tribunál Distritál Suai liuhosi Tribunál Móvel iha Distritu Ainaro prezide leitura sentesa ba krime ofensa ba integridade física simples ho natureza violénsia doméstika ne'ebé envolve arguidu AS hasoru nia feen, iha Distritu Ainaro.

Akuzasaun husi Ministériu Públiku

Ministériu Públiku akuza katak iha 24 Janeiru 2016, arguidu hoлезада diskuti malu kona-ba oan ne'ebé tanis no arguidu basa dala 2 ihaлезада nia kanoruk. Aktu ne'e rezultaлезада sofre moras iha ninia kanoruk.

Ministériu Públiku akuza arguidu kontra artigu 145 KP kona-ba ofensa ba integridade física simples konjuga ho artigu artigu 2 LKVD kona-ba konseitu violénsia doméstika, artigu 3 LKVD kona-ba relasaun família, artigu 35 LKVD kona-ba tipu krime violénsia doméstika sira no artigu 36 kona-ba krime sira violénsia doméstika nian hanesan krime públiku.

Produsaun ba provas

Iha prosesu julgamentu, arguidu konfesa totalmente ba faktus sira iha akuzasaun Ministériu Públiku. Aleinde ne'e,лезада mós kontinua mantein no reforsa faktus husi akuzasaun Ministériu Públiku.

Alegasaun finál

Ministériu Públiku konsidera arguidu komete duni krime hasoruлезада tanba ne'e Ministériu Públiku husu ba Tribunál atu kondena arguidu ho pena prizaun fulan 3 suspende ba tinan 1 nu'udar prevensaun ida ba arguidu atu la repete ninia hahalok ne'e iha futuru.

Aleinde ne'e, defeza husu ba Tribunál atu aplika suspensaun pena ne'ebé kmaan ba arguidu tanba arguidu arrepende nia hahalok, foin permeira-vez hatan iha Tribunál no kolabora di'ak ho Tribunál.

Desizaun

Depoisde avalia faktus sira, Tribunál konklui katak arguidu provadu komete krime hasoruлезада no kondena arguidu ho pena multa US\$ 60.00. Pena multa ne'e sei selu

gradualmente US\$1.00.00 kada loron durante loron 60. Wainhira arguidu la kumpri pena multa refere, sei kumpri iha prizaun durante loron 40 iha prizaun nu'udar pena alternativa.

Atu hetan informasaun kle'an favor kontaktu :

Luis de Oliveira Sampaio

Diretor Ezekutivu JSMP

Diresaun e-mail: luis@jsmp.tl

info@jsmp.tl

Telefone: 3323883 | 77295795

Website: www.jsmp.tl

Facebook: www.facebook.com/timorleste.jsmp

Twitter: @JSMPtL